

Piniakkanik killilersukkanik ukiumi pisassiiffiusumi Qilalukkanik qernertanik Qilalukkanik qaqortanik aammalu Nannunik, ukiup qaammataani qaammatit marluk Decemberimi Januarmilu pisassiiffiujunnaartinneqarnissaannik Naalakkersuisut peqquneqarnissaannik inatsisartut aaliagiiffigisassaattut siunnersuut.

Inatsisartunut ilaasortamit Karl-Kristian Krusemit, Siumut, saqqummiuneqartoq

aamma

Piniakkat killilersukkat Avanersuarmit Ittoqqortoormiini qilalukkat qernertat qaqortallu, aaveq aamma nanoq pillugit periarfissaqarneris misissuisoqassasoq, kiisalu sunik suliniutinik killilersuisoqarunnaarnissaa pillugu Naalakkersuisut UPA2020-imut peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortamit Jens Napätôk'-imit, Partii Naleraq, saqqummiunneqartoq

pillugit

siunnersuutit aappassaaneernejarninut

Aalisarnermut, Piniarnermut Nunalerinermullu Ataatsimiititaliap

ILASSUTITUT ISUMALIUTISSIISUTAA

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortat Henrik Fleischer, Siumut, siulittaasoq

Inatsisartunut ilaasortaqaq Aqqaluaq B. Egede, Inuit Ataqaatigiit, siulittaasup tullia

Inatsisartunut ilaasortaqaq Siverth Karl Heilmann, Atassut

Inatsisartunut ilaasortaqaq Jens Danielsen, Siumut

Inatsisartunut ilaasortaqaq Steen Lyngge, Demokraatit

Inatsisartunut ilaasortaqaq Múte Bourup Egede, Inuit Ataqaatigiit

Inatsisartunut ilaasortaqaq Hans Enoksen, Partii Naleraq

Ataatsimiititaliaq siunnersuutitut siuliani taaneqartunut ulloq 31. maj 2019-imi isumaliutissiissuteqarpoq. 4. juni 2019-imi aappassaaneerinninnerup unitsinneqarnerata kingorna siunnersuutit ataatsimiititaliamit suliareqqineqarput.

1. Siunnersuutit imarisaat siunertaallu

Qilalukkanik, qilalukkanik qaortanik, nannunik aavernillu killilersuinerup sakkukinnerulersinneqarnissaa imaluunniit killilersuinerataqanngitsumik pisassiissuteqartalernissaa siunnersuutini taakkunani siunertarineqarpoq.

UPA2019/193-ip akuerineqarneratigut qaammatini decembarimi januarimilu qilalukkanik, qilalukkanik qaortanik nannunillu inuussutissarsiutigalugu piniartunut tamanut killilersuinerataqanngitsumik pisassiissuteqartoqartoqartalernissaa sulissutigeqqullugu Naalakkersuisut peqquneqassapput.

UPA2019/221 akuerineqassappat Avanersuarmi Ittoqqortoormiunilu qilalukkanik, qilalukkanik qaortanik, nannunik aavernillu killilersuineq atorunnaarsinniarlugu periarfissat iliuusissallu suut ingerlanneqassanersut misissoqqullugu Naalakkersuisut peqquneqassapput.

2. Ataatsimiititaliap suliarinninnera

Siunnersuutit ulloq 4. juni 2019-imi oqaluuserineqarnerisa kingorna ataatsimiititaliap siunnersuutit oqaluuserai oqaaseqaateqarnissamullu tunngavissaqarsorinagu.

3. Ataatsimiititaliap inassuteqaatai

FM2019/193:

Ataatsimiititaliap siunnersuutip kingunerisinnaasai qularnartoqartippai.

Taamaattumillu siunnersuut itigartinneqassasoq ataatsimiititaliamit isumaqatigiittumit inassutigineqarpoq,

UPA2019/221:

Ataatsimiititaliaq isumaqarpoq pissutsinik misissuineq ajoqutaasinnaangitsoq.

Tamanna tunngavigalugu siunnersuut akuerineqassasoq ataatsimiititaliamit isumaqatigiittumit inassutigineqarpoq.


Taama oqaaseqarluni isumaliutissiisummilu allassimasutut paasinnilluni ataatsimiitaliap siunnersuutit aappassaaniigassanngortippai.



Henrik Fleischer
Siulittaasoq




Aqqaluaq B. Egede
Siulittaasup tullia




Siverth Karl Heilmann




Jens Danielsen



Steen Lynge



Múte Bourup Egede



Hans Enoksen